



Annunzia per la chatscha da regulaziun sin chauras-capricorn 2024

1. Premissas per s'annunziar per la chatscha da regulaziun sin chauras-capricorn

S'annunziar per la chatscha da regulaziun sin chauras-capricorn pon unicamain chatschadras e chatschaders ch'èn gia stads almain ina giada a chatscha da capricorns sin chaura e buc en il chantun Grischun. L'onn da l'ultima participaziun a la chatscha da capricorns en il chantun Grischun n'ha nagina influenza sin la pussaivladad da s'annunziar.

L'annunzia per sajettar duas chauras-capricorn betg lactantas è pussaivla era per chatschadras e chatschaders che han gia inoltrà in'annunzia per la chatscha da capricorns sin chaura e buc u che vulan far quai medemamain quest onn. Sch'ina chatschadra u in chatschader è s'annunzià per omaduas chatschas u sch'ella u el po prender part ad omaduas chatschas tenor la sort, ha precedenza la chatscha ordinaria sin chaura e buc.

2. Modalitads da la chatscha da regulaziun sin chauras-capricorn en cumparegliaziun cun la chatscha da capricorns regulara

Per che la chatscha da regulaziun sin chauras-capricorn na prolungheschia betg ils temps da spetga per la chatscha da capricorns regulara (chaura e buc), vegn quella considerata sco independenta da la chatscha da capricorns regulara. Quai signifitga il suandant: per l'annunzia per la proxima chatscha da capricorns sin chaura e buc quinta l'onn da l'ultima participaziun a la chatscha da capricorns regulara. La chatscha sin chauras n'è betg suttamessa ad in ritmus annual e na vala da nov era betg pli sco chatscha (dumber da chatschas per trair la sort).

L'annunzia per la chatscha da regulaziun sin chauras-capricorn è gratuita per la chatschadra u il chatschader. In'annunzia è però valaivla mo in onn e na vegn betg surpurtada sin l'onn sequent. Sch'ina chatschadra u in chatschader na vegn betg tutgà da la sort, vegn l'annunzia stizzada ed ina nova annunzia è necessaria per l'onn sequent. Er en cas da malsogna u d'accident na vegnan las lubientschas da chatscha per la chatscha da regulaziun sin chauras-capricorn betg surpurtadas sin l'onn sequent.

3. Colonias resp. colonias parzialas disponiblas

Igl è pussaivel da sajettar duas chauras-capricorn betg lactantas mo en las suandantas colonias resp. colonias parzialas:

<input type="checkbox"/> Albris	<input type="checkbox"/> Macun
<input type="checkbox"/> Val Bever	<input type="checkbox"/> Umbrail (Val Mora)
<input type="checkbox"/> Julier Nord Avers (Piz la Tschera)	<input type="checkbox"/> Rothorn/Weissfluh
<input type="checkbox"/> Julier Nord Avers (Alp Sut Fuina/Alp Mos)	<input type="checkbox"/> Hochwang
<input type="checkbox"/> Vereina	<input type="checkbox"/> Safien/Rheinwald (Glaser Grat/Lüschrat)
<input type="checkbox"/> Barlas-ch/Lavinuoz	<input type="checkbox"/> Safien/Rheinwald (Verdus/Fareina)
<input type="checkbox"/> Tuoi/Tasna	<input type="checkbox"/> Caschleglia/Vial
<input type="checkbox"/> Chöglias/Samnaun (Lavér-Chöglias)	<input type="checkbox"/> Oberalp/Frisal (Tujetsch Nord)
<input type="checkbox"/> Chöglias/Samnaun (Samnaun)	<input type="checkbox"/> Oberalp/Frisal (Punteglias)
<input type="checkbox"/> Fergen/Seetal	<input type="checkbox"/> Calanda

Annunzias èn permissas mo per ina da las colonias resp. colonias parzialas menziunadas survart! Ina survista dat era la tabella "Publicaziun da la chatscha da capricorns 2024" sin www.ajf.gr.ch.

4. Procedura d'annunzia

Annunzia en scrit

Las chatschadras ed ils chatschaders cun dretg da s'annunziar pon inoltrar lur annunzia **dals 4 fin e cun ils 15 da mars 2024** (data dal bul postal) **en scrit** per posta (**exnum posta A plus**) cun il formular d'annunzia per la chatscha da regulaziun sin chauras-capricorn a l'Uffizi da chatscha e pestga dal Grischun (adressa: Administraziun capricorns, Armando Janett, Veia Sot Spondas 16, 7460 Savognin). Infurmaziuns e formulars d'annunzia chattais Vus sin www.aif.gr.ch (chatscha/actual). Annunzias nunvalaivlas na vegnan betg resguardadas.

Annunzias per e-mail n'èn betg admissiblas e na vegnan betg resguardadas!

Las candidatas ed ils candidats ston inditgar la colonia resp. la colonia parziala tenor publicaziun, en la quala ellas ed els vulan ir a chatscha da chauras-capricorn. La repartiziun en il territori da chatscha fa il guardiaselvaschina responsabel per il territori.

Attenziun: I na vegn betg tramess ina conferma d'annunzia. Las chatschadras ed ils chatschaders che dastgan prender part a la chatscha regulara sin chauras-capricorn survegnan il cumenzament da zercladur 2024 in'invitaziun a la sairada d'infurmaziun sco er per la visita oculara al di suandant. I vegn desistì d'infurmar las chatschadras ed ils chatschaders che n'èn betg vegnids resguardads.

La chatscha da capricorns regulara ed en spezial la chatscha da regulaziun sin chauras-capricorn pretendan fitg bier da las chatschadras e dals chatschaders quai che riguarda l'abiltad dad ir en las muntognas, la cundiziun, l'observaziun dals animals e l'abiltad da sajettar. Perquai recumandain nus da ponderar cun premura eventualas annunzias, da far las preparativas necessarias e da planisar l'october trais emnas per la chatscha da capricorns.

5. Temp e durada da la chatscha

Per impedir conflicts tranter las chatschadras ed ils chatschaders da la chatscha da capricorns regulara (chaura e buc) e da la chatscha da regulaziun sin chauras-capricorn ed evitar frustraziuns nunnecessarias vegnan las chatschas fatgas en etappas ubain en territoris separads. Damai ch'ins sto sajettar ina chaura-capricorn betg lactanta avant che sajettar in buc, han las chatschadras ed ils chatschaders da la chatscha da capricorns regulara precedenza. Omaduas chatschas han lieu tranter ils 1. d'october ed ils 15 da november e duran 20 dis da chatscha per chatschadra e chatschader. Ils temps da chatscha vegnan publitgads cun l'invit a la chatscha da capricorns (previsiblamain a l'entschatta da zercladur 2024).

Sche las chatschadras ed ils chatschaders n'adempleschan betg ils plans da decimaziun, vegnan ils animals mancants sajettads tenor pussaivladad dals organs da surveglianza da chatscha.

6. Basas legalas

La chatscha da regulaziun sin chauras-capricorn tenor territoris pretenda in'adattaziun da las prescripziuns da chatscha. Ella ha lieu sut la resalva da l'approvaziun da la regenza il zercladur 2024.

UFFIZI DA CHATSCHA E PESTGA DAL GRISCHUN
chanzlia da capricorns



Armando Janett